

ԲԱՐԿՈՒԹԵԱՆ ՎՆԱՍՆԵՐԸ

Սիրելի եղբայրներ, ամեն մարդ թող արագ ըլլայ լսելու եւ ծանր՝ խօսելու եւ բարկանալու մէջ, որովհետեւ մարդուն բարկութիւնը Աստուծոյ արդարութիւնը կը հեռացնէ: **Յակ. Ա. 16-20**

Սիրելիներ, ցանցնալէ ետք բարկութեան չարիքները եւ մանաւանդ գիտնալէ ետք, թէ ինչպիսի բարիքներէ պիտի զրկուիմք երբ Աստուծոյ արդարութենէն բաժնուիմք, գգոյշ ըլլանք մեր անձերուն նկատմամբ ու հեռանակ բարկութենէն եւ անոր չարութենէն, ինչպէս կատաղի գագանէ մը: Չըլլայ թէ իժի պէս մեր մէջ բոյն դնելով վնասէ մեր հոգիներուն, իսայթ մեր կրունկը եւ հեծեալը գետին ձգէ: Եթէ Աստուծոյ այլ դատաստանները վրէժ-խընդրութեան բարկացողներուն չէին, գէթ մարդոցմէ պէտք էր շտապուիլ ու դողալ, եւ ոչ թէ գագանի նման անընտելի եւ վայրենի՝ բոլոր տեսնողներուն ծաղրանքի առարկայ ըլլալ: Օձերու եւ կարիներու բնութիւնն է միշտ գագանութեան մէջ մնալ, որոնք որ ուր մօտենան կը զարնեն, կը վիրաւորեն եւ այդ պատճառաւ բոլորին ստելի են եւ ամէն ոք իր ձեռքը կը զինէ գանձակ սպաննելու: Անոնց մի նմանիք դուն, որ բանաւոր եւ իմաստուն ես: Անոնք բնութեամբ ունին գագանութիւն, այդպէս ստեղծուած ըլլալով Արարիչէն. սակայն դուն նոյնպէս չստեղծուեցար, այլ՝ իմաստուն, հեզ եւ հանդարտ: Ինչո՞ւ համար բնութենէն դուրս գալով կամովին կը նմանիս անոնց գագանութեան:

ՄԻԱՍՆԱԲԱՐ ԱՂՕԹԵՆՔ

Ամբողջ սրտով գոհութիւն պիտի մատուցանեմ քեզի, Տէ՛ր եւ քու բոլոր սխալների գործերդ պիտի թուեմ: Քեզմով պիտի ուրախանամ ու ցնծամ, եւ ներբողեմ քու անունդ, ո՛վ Բարձրեալ: Թշնամիներս նահանջի ցամբան բրնձեցին, քու դիմացդ տապալեցան ու կորուստի մատնուեցան, որովհետեւ դուն, ո՛վ արդար Դատաւոր, քու գահիդ բազմած՝ իմ դատս եւ իրաւունքս պաշտպանեցիր: Հեթանոսները յանդիմանեցիր, ամբարիշտը կորուստի մատնեցիր, եւ անոնց անունը յաւէտ ջնջեցիր: Թշնամին ընդմիշտ խորտակուեցաւ, անոնց փաղաքները հիմնայատակ կործանեցիր, եւ անոնց յիշատակն անգամ կորսուեցաւ: Բայց Տէրը կայ ու կը մնայ յաւիտեան: Ան իր աթոռը մատուցեւ պատրաստ է դատաստանին: Արդարութեամբ պիտի դատէ աշխարհը ուղիղ դատաստան պիտի ընէ ժողովուրդներուն: Տէրը ինք ապաւէն պիտի ըլլայ անիրաւուածին, ապաստան պիտի ըլլայ նեղութեան ժամանակներուն: Անոնք որ քեզ կը ցանցնան, ո՛վ Տէր, քեզի պիտի վստահին, որովհետեւ դուն չես լքեր անոնց որոնք քեզի կը դիմեն:

Սիրելի ընթերցող, ՃՐԱԳ թերթը ամէն Կիրակի կը բաժնուի մեր ժողովուրդին, եկեղեցիներու բանկային մօտ: Նաեւ՝ Facebook-ի վրայ փնտռել «Jerak կամ ՃՐԱԳ», ապա սեղմել «Like»-ը, կարդալու կամ անդամագրուելու համար:

ՀԱՍՅԷ.

ՃՐԱԳ ՇԱԲԱԹԱԹԵՐԹ - ԱԶԳԱՅԻՆ ԱՌԱՋՆՈՐԴԱՐԱՆ ԼԻԲԱՆԱՆԻ - Bourj-Hammoud, P.O.Box 80810 -Tel/Fax:01-258300- facebook-ի էջ jerak ճրագ թերթ



ԲՈՒ ԽՍՏԵՂ ԽՍ ՌՏԵՐՈՒՄ ԵՐԱԳ Է ՈՒ ԽՍ ԸԱԽԻՆՏՈՒՄ ԼՈՅՍ (Ս, 119-105)

ԺԳ. ՏԱՐԻ

ԿԻՐԱԿԻ, 1 ՄԱՐՏ 2020

ԹԻՒ 9

ԿԻՐԱԿԻ ՕՐԵՐՈՒ ԱՍՏՈՒԾԱՇՆՉԱԿԱՆ ԸՆԹԵՐՑՈՒՄՆԵՐ

Ետայի 33.2-22: Հո. 12.1-13.10

ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԸ ԸՍՏ ՄԱՏԹԷՈՍԻ 5.17-48

Բ. ՔԱՌԱՍՆՈՐԴԱՑ: ԱՐՏԱՔՍՍԱՆ

ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԸ ԸՍՏ ՄԱՏԹԷՈՍԻ 5.17-20

Մի՛ կարծէք թէ եկայ Մովսէսի Օրէնքը կամ մարգարէներու ուսուցումները ջնջելու: Չեկայ ջնջելու, այլ ամբողջացնելու: Հաստատ գիտցէ՛ք, որ բոլոր Օրէնքն ու մարգարէութիւնը կէտ առ կէտ պիտի իրականանան առանց բառ մը իսկ դուրս ձգելու, միևնչեւ գայ այն օրը, երբ այս երկիւնքն ու երկիրը պիտի անցնին: Ով որ ամենափոքր պատուիրանն իսկ զանց ընէ եւ ուրիշներուն ալ պատուիրէ նոյնը կատարել, երկիւնքի արքայութեան մէջ յետինը պիտի նկատուի: Իսկ ով որ գործադրէ պատուիրանները եւ նոյնը ուսուցանէ, մեծ պիտի ըլլայ երկիւնքի արքայութեան մէջ: Կ'ըսեմ ձեզի, երկիւնքի արքայութենէն ներս կրնաք մտնել այն ստեղծման միայն, երբ Աստուծոյ պատուիրաններուն նկատմամբ իրենց հաւատարմութիւնը փարիսեցիներուն եւ օրէնքի ուսուցիչներուն ունեցած հաւատարմութենէն աւելի ըլլայ:

Լսեք էք, որ անցեալին ըսուած է. «Մի՛ սպաններ, որովհետեւ ան որ կը սպաննէ, պիտի դատապարտուի»: Իսկ ես կ'ըսեմ ձեզի. Ով որ առանց պատճառի իր եղբոր դէմ բարկանայ, պիտի դատապարտուի: Ով որ իր եղբայրը յիմար կոչէ, դարձեալ առանց պիտի բերուի. կամ, ան որ իր եղբայրը անմիտ կոչէ, Գեհենի կրակին պիտի դատապարտուի: Եթէ գոհի սեղանին վրայ ընծադ Աստուծոյ մատուցանելու ստեղծ յիշես որ եղբայրդ վշտացած է քեզմէ, ձգէ՛ ընծադ սեղանին առջեւ, գնա՛՛ նախ հաշտուէ՛ եղբորդ հետ եւ ապա եկու՛ր եւ ընծադ Աստուծոյ մատուցանէ՛:

Երբ մէկը խնդիր ունի քեզի հետ եւ դատի կը կանչէ քեզ, սկիզբէն համաձայնութեան եկուր անոր հետ, երբ տակաւին ժամանակ ունիս, այլապէս՝ քեզ դատաւորին կը յանձնէ, դատաւորն ալ՝ ոստիկանին եւ բանտ կը նետուիս: Վստահ եղի՛ր, թէ բանտէն պիտի չելլես միևնչեւ որ տուգանքիդ վերջին դահեկանը չվնարես:

Լսեք էք, որ ըսուած է. «Մի՛ շնար»: Իսկ ես կ'ըսեմ ձեզի, թէ ով որ ցանկութեամբ նայի ոեւէ կնոջ՝ արդէն իսկ իր սիրտին մէջ շնութիւն ըրած կ'ըլլայ անոր հետ: Եթէ աչ աչքդ քեզ կը գայթակղեցնէ, հանէ՛ եւ նետէ՛ գայն, որովհետեւ նախընտրելի է, որ անդամներէդ մէկը կորսնցնես քան թէ ամբողջ մարմնով դժոխք նետուիս: Եթէ աչ ձեռքդ քեզ կը գայթակղեցնէ, կտրէ՛ ու նետէ՛ գայն, որովհետեւ նախընտրելի է որ անդամներէդ մէկը կորսնցնես, քան թէ ամբողջ մարմնով դժոխք նետուիս:

**ՄԱՐԳԱՐԵԱԿԱՆ ԳԻՐՔԵՐ  
ՊՕՂՈՍ ԱՌԱՔԵԱԼԻ ՆԱՄԱԿՆԵՐ**

**ԵՍՍՅԻ ՄԱՐԳԱՐԵԻ ԳԻՐՔԷՆ  
33.2-22**

Ողորմե՛ մեզի, Տէր, որովհետեւ քեզի՛ յուսացինք. անհաւատներու սերունդը կորուստի պիտի մատնուի, բայց դուն պիտի փրկես մեզ նեղութեան ժամանակ:

Ժողովուրդները քու ահեղ ձայնէդ շշմեցան, հեթանոսները փախան քու վախէդ:

Ինչպէս խառնիճն ու մարախը կանաչութիւն կ'ոչնչացնեն, այնպէս յափշտակիչները պիտի թափին անոնց աւարին վրայ եւ անոնք ծաղր ու ծանակ պիտի ըլլան:

Սուրբ է մեր Տէր Աստուածը, որ բարձունքներուն մէջ կը բնակի: Իրաւունքով եւ արդարութեամբ պիտի լեցնէ Սիոնը:

Այն ատեն հեթանոսները Օրէնքին ձեռքը պիտի մատնուին, իսկ մենք մեր զանձերով պիտի փրկուինք. իմաստութիւնը, գիտութիւնը եւ աստուածպաշտութիւնը պիտի ըլլան այն զանձերը, որոնցմով պիտի արդարանանք:

Այն ատեն ձեր կրած երկիրները իրենք պիտի կրեն: Անոնք՝ որոնցմէ դուք կը վախճայիք, իրենք պիտի վախճան ձեզմէ, պատգամաւորներ պիտի դրկեն ձեզի՛ խաղաղութիւն ու զելով, դառնապէս պիտի լան եւ խաղաղութիւն խնդրեն, որովհետեւ անոնց ճամբաները իրենց աւարտին հասան: Ալ պիտի չվախճանք հեթանոսներէն, անոնց հետ ձեր դաշինքը վերջ պիտի գտնէ եւ ալ զանոնք մարդու տեղ պիտի չդնէք:

Աշխարհը կը սգայ, որովհետեւ անշքացաւ: Լիբանանը մերկացաւ, Սարոնի դաշտագետիկնը տօթէն այրեցաւ, Գալիլիա եւ Կարմեղոս լերկ մնացին:



**ՊՕՂՈՍ ԱՌԱՔԵԱԼԻ ՆԱՄԱԿ  
ՀՈՌԱՎԱՅԵՑԻՆԵՐՈՒՆ  
12.1-13.10**

Ուստի եղբայրներ, քանի Աստուած այնքան ողորմած եղաւ մեզի հանդէպ, կ'աղաչեմ որ դուք ձեզ Աստուծոյ ընծայէք, որպէս կենդանի զոհ մը՝ իրեն վերապահուած, որովհետեւ անիկա է Աստուծոյ ուզած ճշմարիտ պաշտամունքը: Այս աշխարհի մարդոց վարմունքը մի՛ ընդօրինակէք, այլ՝ նորոգուած միտքերով նոր մարդ եղէ՛ք, որպէսզի ձեր փորձառութեամբ ընտրէք լաւը, գիտնալով Աստուծոյ կամքը, այսինքն՝ ինչ որ բարի է, ընդունելի է իրեն եւ կատարեալ:

Ինձի տրուած Աստուծոյ շընորհքով հետեւեալ պատուէրը կու տամ իւրաքանչիւրիդ. մեծամիտ եւ ինքնահաւան մի՛ ըլլաք, ընդհակառակը միշտ համեստ եղէ՛ք եւ միայն Աստուծմէ ձեզի տրուած հաւատքին չափով զնահատեցէ՛ք դուք ձեզ: Ինչպէս մեր մարմինը բազմաթիւ անդամներ ունի, որոնց պաշտօնը նոյնը չէ, սակայն այնպէս ալ Քրիստոսի միացած ըլլալով՝ մենք բոլորս մէկ մարմին ենք: Թէեւ որպէս անդամներ իրարու կապուած ենք, բայց Աստուծոյ շնորհքը իւրաքանչիւրիս տարբեր պարգէն մը տուած է, գոր պէտք է գործածենք:

**ՇԱՐՈՒՆԱԿԵԼ  
ԱՍՏՈՒԱԾԱՇՈՒՆՉԵՆ**

**ՍՈՒՐԲԵՐ ԵՒ ՏՕՆԵՐ**

**ԹԵՆՈՂՈՐՈՍ ԶՕՐԱՎԱՐ**



Ամասիոյ Սարու գիւղէն՝ բարեպաշտ ծնողքի զաւակ: Կը պատկանէր Մաքսիմիանոսի օրով զինուորներու այն կարգին, որ կը կոչուէր դիւռն, այսինքն «նորամուտ»: Ճամբորդած միջոցին օր մը հանդիպեցաւ ահագին վիշապի մը, գոր սպաննեց նիզակով եւ հաւատքով: Յետոյ, երբ յայտնուեցաւ քրիստոնէութիւնը, քննութեան կանչուեցաւ, համարձակ խոստովանեցաւ ստուգութիւնը, եւ բացի այդ, գիշեր ատեն կրակի տուաւ մեծագոյն աստուածունի Ռէայի մեհեանը: Այս պատճառաւ սաստիկ քանակով զնուէր վերջ բանտ նետուեցաւ, ուր երկնային տեսիլքի մխիթարութիւնն ունեցաւ: Կրկին հարցաքննութենէ վերջ այրեցին սուրբը 306-ին: Նշխարները ամփոփեց Եւսեբիա անունով տիկին մը իր տան մէջ, որ յետոյ եկեղեցիի վերածուեցաւ:

Հայ Եկեղեցոյ տօնացոյցին համաձայն Թեոդորոս Զօրավարին տօնը կը զուգադիպի Շաբաթ՝ 29 Փետրուար, 2020-ին:

**ԻՆՉ Է ՊԱՅՔԸ**

Մեր ժամանակակից սերունդը պահեցողութիւն ըսելով թերեւս կը հասկնայ մսեղէնէ, կաթնեղէնէ եւ ամէն տեսակի կենդանական արտադրութենէն հրաժարիլ: Ասիկա սակայն պահի մասին ոչ ժամանակներուն եւ քաղաքի դասակարգին ըմբռնումն է. սկիզբէն այնպէս չէ եղած: Ըստ Աստուածաշունչի տուեալներուն, պահեցողութիւնը սուգի եւ ցաւի շրջան մըն է, ինքնագրկանք մը՝ կամ ինքզինքին տրուած կամաւոր պատիժ մըն է, որ կ'իրագործուէր որոշ ժամանակ մը ամբողջովին հրաժարելով ուտելու եւ խմելու, ինչպէս նաեւ ամէն տեսակ ՀԱ՝ՃՈՅՔԷ: Կարելի է այս վերջին պարագան, այսինքն հրաժարիլ նաեւ հանոյքէ, վասնզի պահի եւ հանոյք իրարու հակադիր երեւոյթներ են, եւ հետեւաբար կարելի չէ երեւակայել պահեցողութիւն մը, որուն կ'ընկերանայ նաեւ խաղ, ուրախութիւն եւ պար: Ուրեմն կրօնական նպատակով ինքզինքին պարտադրուած որեւէ զրկանք պահեցողութիւն է:

Պահէն անբաժան էր ԱՂՕԹՔԸ: Եթէ ուսումնասիրենք սուրբ Գիրքը, պիտի տեսնենք, թէ ուր որ պահի մասին հրաման կը տրուի, կը յանձնարարուի միաժամանակ աղօթքը: Երբ մարդիկ պահեցողութիւն կ'ընեն, միաժամանակ կը կիրարկեն նաեւ աղօթքը: Պահքը սակայն հետզհետէ աւելի կիրարկելի դարձաւ իբրեւ ապաշխարանքի նշան եւ արտայայտութիւն:

ՕՐՀՆԵԱՆ ՊԱՇՏՊՈՒԹԻՒՆ